



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

De primis corporibus. Cap. 1.

urn:nbn:de:hbz:466:1-12918



STEPHANI THEVPOLI,
BENEDICTI F.PA-
TRITII VENETI,

ACADEMICARVM
Contemplationum,

LIBER VIII.

DE PHYSICIS CORPORIBVS SIN-
gillatim consideratis.

De primis corporibus. CAP. I.



VONIAM iam ea sunt explicata; quæ vniuersè ad mundi corpori declarationem pertinebant; ac insuper nota sunt simplicia principia inmundum, & partes eius constituentia: reliquum est, vt de cunctis corporum gradibus verba faciam; & sigillatum conditiones, & naturam eorum confidere in primis, quæ elementa nuncupantur, exordiis. Prima vniuersum constituentia corpora, ex quibus cætera per mixtionem conficiuntur; partim quatuor, partim quinque, iudicari possunt. Quatuor sunt; quatenus omnia, vel ad aerem, vel ad ignem, vel ad aquam, vel ad

S

terrā rediguntur. Insuper, sunt quinque; quatenus in aere magnam puritatis, & impuritatis differentiam consideramus: ob quam Plato in Timō, & Epinomide, cœlū dixit ignem aerem puriorem sub cœlo collocatum, quem Arist. hyppeccauma, sive somitem incēsionis nuncupauit, dixit ætherem; sub quo aerem, aquam, & terram collocari cognouit. Rectius tamen prima corpora statuēda sunt quatuor, quām quinque; quoniam ea quinque in quatuor demum rediguntur. Dari elementa corporea, adeò conspicuum est, vt superuacaneū sit ostendere. Pariter ea esse quatuor, sensu, & experientia certius cognoscimus, quām ratione: attamen, quod primò sensu cognoscimus: mox ratione, cùm physica, tum mathematica comprobare valemus. Sensu cognoscimus elementa esse quatuor; quia in sola quatuor, non in plura, resoluti mixta omnia cognoscimus: ac insuper nobis ad ordinem eorum in vniuerso conuersis, sola quatuor subordinata, & verè distincta corpora sese offerunt. Quem numerum ratione physica comprobamus: nā mundus est specierum, & graduum omnium plenitudo; ideo tot in eo inueniuntur prima corpora, quot modis primæ qualitates sine pugna complicari possunt: id autem solis quatuor modis contingit fieri; vt Arist. in secundo de ortu, & interitu manifestauit: propterea quatuor sunt corpora prima. Præterea, id ipsū ostenditur medio sumpto à grauitate, & leui-

tare: nam rationi est consentaneum, ut detur corpus maximè graue; detur aliud sūmè leue: ita etiā detur graue in respectu & leue in respectu. Demū ratione mathematica numerus elementorū quaternarius ostenditur: cūm enim Elementa sint corpora conuenienti proportione pro mundi cōstitutione prædicta: in quib. duo extrema considerantur, quæ mediis ligari debent: & quoniam media, quæ conuenienti ratione ligant solida, necessariò duo sunt, ut mathematici ostendunt: ideo necesse est, ut duo dentur elementa intermedia, ex quibus vñā cum extremis quatuor consurgunt. Media autem, quæ geometrica proportione duo solidia ligant, debere esse duo, manifestè patet in numeris: nam primus numerus solidus, est 8. secundus est 27. qui duo solidi numeri per 12. & 18. geometrica proportione, quæ sesquialtera est, ligantur: dicimus enim vt 27. ad 18. ita 18. ad 12. & 12. ad octo. Quatuor itaque sunt prima simplicia corpora, arcto nexu colligata; quæ denotantur per quatuor primas corporum proprietates: quæ sunt: solidum, denotā terram; continuum, aquam; perspicuum, aerem; & visibile, ignem. Deinum constat prima corpora debere esse quatuor, ex plenitudine numeri quaternarij: in quo totus denarius, qui est plenitudo numerorū, includitur. Propterea Pythagorici plenitudinē aliquam designatur, numero quaternario vtebantur; & iure iurando testabantur, Naturæ perpetuò

S 2

fluentis fontem esse quadruplicem. Hinc or-
tum ducunt quatuor anni tempora, quatuor
vniuersi prima pūcta, quatuor humores, qua-
tuor simplicia temperamenta, & sic de multis.
Prætereā, quemadmodum mundus spiritalis,
& incorporeus, ex quatuor constat; ex mente
non participata, ex mente participata, ex ani-
ma, & ex natura: ita mundus corporeus, ex
quatuor primis corporibus constare debet,
proportione eis respondentibus; nam ignis,
supremæ menti: aer, menti participatæ; aqua,
animæ; terra, naturæ, proportione respondet;
quorū omnium caput, & princeps est Deus.
Hæc prima & insignia corpora, in mundum con-
stituentia, elementa nuncupantur: sed tan-
tum abest, vt elementa sint, vt neque etiam
sint syllabæ; quemadmodum eruditè dixit
Plato. Verè enim elementum, est id, quod est
primum; vt in 5. Metaph. docuit Aristoteles:
Hæc nuncupata elementa, multiplicem con-
positionem includunt. Primo enim constant
ex materia, & participatione formæ. Secundo,
in singulis singula, saltem ratione proprieta-
tum, inueniuntur. Hinc asserimus in vniuerso
elementa pura non inueniri: neque id est con-
tra naturam, sed maximè consentaneum na-
turæ elementorum. Primo; quia puritas est af-
fectio rerum à materia se iunctarum. Secundo;
quia, vt in rebus incorporeis omnia sunt in o-
mnibus, ita de corporibus se habere debet; cor-
porea enim pro facultate imitantur incorpo-
rea,

rea, à quibus pendent: ac cùm ita se habeant; vniuersum magis seruat, nedum in toto, verum etiam in singulis partibus naturam, & conditionem vniuersi. Tertiò; quia de ratione elementi, vt est elementum, hoc est, yt in alio inueniatur. Postremò; quia elementa viuunt, viuentia ex omnibus elementis constare debent, iure itaque in singulis elementis inueniuntur omnia; denominantur tamen per id, quod exuperat, & dominatur. Quòd elementa pura non sint, etiam fatentur Peripateticis; at dissentunt: primò; quia negant ea esse animata: secundò; quia censem primà corpora esse, non quatuor, sed quinque; cùm statuant cœlum omnino distinctum à natura elementorum. De prima dissensione egi, dum verba feci de animis sphærarum: de altera in sequenti capite futurus est sermo.

An Cœlum sit essentia quinta, penitus distincta à natura quatuor elementorum.

CAP. II.

Oelum est corpus, omnium opinionem, eminentissimum, & diuinissimum, omniumque consensu, sedes Deorum: quod vt maximè à sensibus nostris distat, ita nobilitate excellit, & cum difficultate cognoscitur. Putarunt primi Philosophi, eandem cœli, & mortalium esse materiam; & solùm differre cœlum à mortalibus puritate, & impuritate; ideo dixerunt Ægyptij, cœlum esse humorem concretum;

S 3